

Broj: 06-03-818-08/28/15
Mostar, 18.12.2015. godine

Na osnovu člana 21., člana 37., člana 42., člana 84., člana 87. stav (1) i stav (2), člana 88. stav (1) i člana 93. stav (1) i stav (4) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ broj 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 91/15), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 20. Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za izmjenu i dopunu dozvole za rad broj 06-03-818/28/15 od 01.10.2015. godine podnosioca zahtjeva GP TOMING d.o.o. Grude u postupku izmjene i dopune Dozvole za rad – licence za obavljanje elektroprivredne djelatnosti proizvodnje električne energije broj 06-03-1118/62/12 od 03.12.2012. godine, Regulatorna komisija za energiju u Federaciji Bosne i Hercegovine – FERK je dana 18.12.2015. godine na XXIII redovnoj sjednici donijela sljedeće

RJEŠENJE

1. Dozvola za rad – licenca za obavljanje elektroprivredne djelatnosti proizvodnje električne energije broj 06-03-1118/62/12 od 03.12.2012. godine izdata Rješenjem broj 06-03-1118-10/62/12 od 03.12.2012. godine, imaocu dozvole GP TOMING d.o.o. Grude mijenja se i dopunjuje, te glasi kao u prilogu, koji je sastavni dio ovog rješenja.
2. Utvrđuje se GP TOMING d.o.o. Grude status kvalifikovanog proizvođača i u proizvodnim objektima: solarna fotonaponska elektrana „KRENICA 2“, solarna fotonaponska elektrana „KRENICA 3“, solarna fotonaponska elektrana „HODOVO 2“, solarna fotonaponska elektrana „HODOVO 3“, solarna fotonaponska elektrana „HODOVO 4“, solarna fotonaponska elektrana „HODOVO 5“, solarna fotonaponska elektrana „HODOVO 6“, solarna fotonaponska elektrana „HODOVO 7“, solarna fotonaponska elektrana „HODOVO 8“, solarna fotonaponska elektrana „HODOVO 9“, solarna fotonaponska elektrana „HODOVO 10“, solarna fotonaponska elektrana „HODOVO 11“, solarna fotonaponska elektrana „HODOVO 12“, solarna fotonaponska elektrana „HODOVO 13“ i solarna fotonaponska elektrana „HODOVO 14“.
3. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

Образложење

Dana 01.10.2015. godine, FERK je primio od GP TOMING d.o.o. Grude Zahtjev za izmjenu i dopunu dozvole za rad, u postupku izmjene i dopune Dozvole za rad – licence za obavljanje elektroprivredne djelatnosti proizvodnje električne energije broj 06-03-1118/62/12 od 03.12.2012. godine, sa novim proizvodnim objektima: solarna fotonaponska elektrana „KRENICA 2“, solarna fotonaponska elektrana „KRENICA 3“, solarna fotonaponska elektrana „HODOVO 2“, solarna fotonaponska elektrana „HODOVO 3“, solarna fotonaponska elektrana „HODOVO 4“, solarna fotonaponska elektrana „HODOVO 5“, solarna fotonaponska elektrana „HODOVO 6“, solarna fotonaponska elektrana „HODOVO 7“, solarna fotonaponska elektrana „HODOVO 8“, solarna fotonaponska elektrana „HODOVO 9“, solarna fotonaponska elektrana „HODOVO 10“, solarna fotonaponska elektrana „HODOVO 11“, solarna fotonaponska elektrana „HODOVO 12“, solarna fotonaponska elektrana „HODOVO 13“ i solarna fotonaponska elektrana „HODOVO 14“ pod brojem 06-03-818/28/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev potpun u smislu člana 12., člana 22. i člana 23. Pravilnika za izdavanje dozvola.

Postupajući u skladu sa članom 15. Pravilnika za izdavanje dozvola FERK je dana 05.11.2015. godine u „Oslobođenju“, „Večernjem listu“ i na svojoj internetskoj stranici objavio Obavještenje za javnost o podnesenom Zahtjevu za izmjenu i dopunu dozvole za rad, u postupku izmjene i dopune Dozvole za rad – licence za obavljanje elektroprivredne djelatnosti proizvodnje električne energije broj 06-03-1118/62/12 od 03.12.2012. godine, sa novim proizvodnim objektima: solarna fotonaponska elektrana „KRENICA 2“, solarna fotonaponska elektrana „KRENICA 3“, solarna fotonaponska elektrana „HODOVO 2“, solarna fotonaponska elektrana „HODOVO 3“, solarna fotonaponska elektrana „HODOVO 4“, solarna fotonaponska elektrana „HODOVO 5“, solarna fotonaponska elektrana „HODOVO 6“, solarna fotonaponska elektrana „HODOVO 7“, solarna fotonaponska elektrana „HODOVO 8“, solarna fotonaponska elektrana „HODOVO 9“, solarna fotonaponska elektrana „HODOVO 10“, solarna fotonaponska elektrana „HODOVO 11“, solarna fotonaponska elektrana „HODOVO 12“, solarna fotonaponska elektrana „HODOVO 13“ i solarna fotonaponska elektrana „HODOVO 14“.

Povodom Obavještenja za javnost, FERK do roka naznačenog u obavještenju odnosno do 12.11.2015. godine, nije primio pisane komentare zainteresovanih lica na podneseni zahtjev, niti su podneseni zahtjevi za sticanje statusa umješaća.

Na osnovu navedenog, a u skladu sa članom 55. Pravilnika o javnim raspravama i rješavanju zahtjeva, sporova i žalbi, FERK je dopisom 06-03-818-03/28/15 od 12.11.2015. godine obavijestio podnosioca zahtjeva da će FERK provesti postupak izmjene dozvole, bez održavanja formalne rasprave, te istom dao mogućnost da ukoliko raspolaže novim činjenicama u vezi sa predmetom postupka, iste predstavi, odnosno uputi svoje komentare FERK-u do 17.11.2015. godine.

Podnosilac zahtjeva nije FERK-u iznio nove činjenice u vezi sa predmetom postupka, te nije uputio druge komentare FERK-u.

Na osnovu provedenog postupka tokom kojeg je izvršena pažljiva analiza svih činjenica i podnijetih dokaza na osnovu kojih se moglo utvrditi stanje stvari, FERK je u skladu sa članom 17. stav (2) i stav (3) Pravilnika za izdavanje dozvola, a polazeći od člana 49. stav (1) istog pravilnika kojim je, pored ostalog, propisano da se postupak izmjene i

dopune dozvole vodi na isti način kao i postupak izdavanja dozvole, te na osnovu člana 92. stav (1) Zakona o električnoj energiji u Federaciji Bosne i Hercegovine, Odlukom broj 06-03-818-04/28/15 od 24.11.2015. godine usvojio Nacrt dozvole za rad za proizvodnju električne energije, dok je Odlukom broj 06-03-818-05/28/15 od 24.11.2015. godine, ovaj nacrt upućen u proces javne rasprave, te je određeno mjesto, datum i vrijeme održavanja opšte rasprave o predmetnom Nacrtu dozvole, imenovan voditelj postupka i zamjenik voditelja postupka, kao i da zainteresovana lica svoje usmene komentare na Nacrt dozvole za rad za proizvodnju električne energije mogu dati na opštoj raspravi koja je održana 04.12.2015. godine u 11:00 sati, u prostorijama Opštine Stolac u Stocu, a pisani komentari su se mogli dostaviti na adresu FERK-a ili na elektronsku adresu, u periodu od 26.11.2015. godine do 07.12.2015. godine do 12:00 sati.

Opštoj raspravi o Nacrtu dozvole za rad za proizvodnju električne energije prisustvovali su predstavnici FERK-a i podnosioca zahtjeva. Predstavnicu podnosioca zahtjeva je navela da nema primjedbi na predloženi tekst nacrtu i jedina primjedba je na potpunost Priloga u dijelu mjesto priključenja gdje treba uzeti u obzir i druge trafo stanice osim TS 10(20)/0,4 kV/kV „Hodovo zona 2“.

Do ostavljenog roka za dostavu pisanih komentara, odnosno do 07.12.2015. godine do 12:00 sati, u FERK nisu primljeni pisani komentari na Nacrt dozvole za rad za proizvodnju električne energije.

U skladu sa članom 26. stav (2) Pravilnika o javnim raspravama i rješavanju zahtjeva, sporova i žalbi, a na osnovu održane opšte rasprave, voditelj postupka pripremio je pisani izvještaj, koji je sadržavao kratak pregled toka rasprave, zapisnik sa opšte rasprave i preporuke, te je iste uputio podnosiocu zahtjeva na komentare 14.12.2015. godine pod brojem 06-03-818-06/28/15.

Podnosilac zahtjeva je povodom navedenog FERK-u dostavio 14.12.2015. godine dopis primljen u FERK pod brojem 06-03-818-07/28/15 u kojem je naveo da je saglasan sa izvještajem voditelja javne rasprave, te da na predloženi tekst nacrtu dozvole nema primjedbi.

Izvještaj voditelja postupka sa komentarima podnosioca zahtjeva dostavljen je članovima FERK-a dana 16.12.2015. godine pod internim brojem 06-08-685/15, na razmatranje radi donošenja odluke.

Na osnovu obrade Zahtjeva za izmjenu i dopunu dozvole za rad podnosioca GP TOMING d.o.o. Grude i dokumentacije priložene uz zahtjev, te analize postupka opšte rasprave, odnosno izvještaja voditelja postupka izvršena je izmjena i dopuna Dozvole za rad - licence za obavljanje elektroprivredne djelatnosti proizvodnje električne energije broj 06-03-1118/62/12 od 03.12.2012. godine, sa novim proizvodnim objektima: solarna fotonaponska elektrana „KRENICA 2“, solarna fotonaponska elektrana „KRENICA 3“, solarna fotonaponska elektrana „HODOVO 2“, solarna fotonaponska elektrana „HODOVO 3“, solarna fotonaponska elektrana „HODOVO 4“, solarna fotonaponska elektrana „HODOVO 5“, solarna fotonaponska elektrana „HODOVO 6“, solarna fotonaponska elektrana „HODOVO 7“, solarna fotonaponska elektrana „HODOVO 8“, solarna fotonaponska elektrana „HODOVO 9“, solarna fotonaponska elektrana „HODOVO 10“, solarna fotonaponska elektrana „HODOVO 11“, solarna fotonaponska elektrana „HODOVO 12“, solarna fotonaponska elektrana „HODOVO 13“ i solarna fotonaponska elektrana „HODOVO 14“.

Uz navedeno, FERK je uočio i potrebu izmjene i dopune navedene dozvole za rad na osnovu člana 93. stav (2) Zakona o električnoj energiji u Federaciji Bosne i Hercegovine, a sve u javnom interesu. FERK je ocijenio da je opravdano izvršiti određena usklađivanja dozvole za rad sa odredbama Zakona o korištenju obnovljivih izvora energije i efikasne kogeneracije, a takođe i sa odredbama FERK-ovih Pravilnika za izdavanje dozvola i Pravilnika o sticanju statusa kvalifikovanog proizvođača. Kako je predmetna dozvola promijenila naziv u Dozvolu za rad za proizvodnju električne energije, kao i zbog potrebe izmjene i dopune više od polovice uslova dozvole za rad, radi preglednosti i lakšeg razumijevanja izmijenjenih i dopunjenih uslova dozvole, te radi ekonomičnosti i efikasnosti postupka izrade, donošenja i objave dozvole za rad, a sve imajući u vidu zahtjev podnosioca i javni interes pristupilo se izradi i usvajanju izmijenjene i dopunjene Dozvole za rad za proizvodnju električne energije imao GP TOMING d.o.o. Grude, koja je sastavni dio ovog rješenja. Uvažavajući sve naprijed navedene razloge, predmetna dozvola za rad je izmijenjena i dopunjena u skladu sa zahtjevom podnosioca, te je usklađena sa odredbama naprijed navedenih Zakona o korištenju obnovljivih izvora energije i efikasne kogeneracije, te Pravilnika za izdavanje dozvola i Pravilnika o sticanju statusa kvalifikovanog proizvođača, s tim da je period važenja dozvole za rad ostao nepromijenjen. Postavljeni uslovi stvaraju obavezu GP TOMING d.o.o. Grude da u rokovima propisanim u tim uslovima dozvole za rad za proizvodnju električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNICA FERK-a
Sanela Pokrajčić